

litudo; et D. Joseph, nescio quid haberet horribile, monstruosum tamquam foetidum ut summam Virgini pœnam rederet mœstitiamque amarissimam Sanctissimo Patriarchæ. Ex dictis inferre licet Josephum pari modo ac Virgo Maria sine labe peccati fuisse conceptum, sed ita hoc fieret ut dum Joseph absque macula remaneret, B Virginem novis maximisque gratiis, privilegiis ac virtutibus ornata esse oportebat. . . .

Nos hæc sublimia, &c.

R Deo gratias.

R O admirabilis protectio Domini S. Josephi, tu ex ore Altissimi prodiisti, attingens a fine usque ad finem, suaviterque disponens omnia.\*Veni ad docendum nos viam prudentiæ; veni ad redimendum nos in brachio extento; veni ad liberandum nos, iam noli tardare. ¶ Ecce iam veniet plenitudo temporis, in quo mittet Jesu Christus admirabilem protectionem Patris sui Josephi. Veni ad docendum. . . .

### LECTIO III.

*Cor Mariæ, cor Josephi.*

Deus ab æterno elegit D. Josephum ut esset in tempore dignissimus Mariæ Virginis Sponsus; oportuit ergo ut etiam ditaret eius cor talibus gratiis, privilegiis, prærogativis et benedictionibus ut simile omnino evaderet purissimo cordi divinæ suæ consortis; quodque omne ita esse debuit ut inter utrumque coniugem perfectissima existeret cordium et affectuum unio; veritas enim est innegabilis quod Deus quos elegit ad aliquam dignitatem ea dignos facit juxta S. Dionysium dicentem; Dominus quos elegit dignos facit. Conferentes ergo hanc veritatem D. Josepho, inferre cogimur Deum illum fecisse dig-

num Mariæ Sponsum, quæ sane dignitas non ab alio exurgit quam a primo supremoque beneficio collato Sacræ Familiæ, scilicet, conceptione in gratia sanctificante. Sed, si minimo vel temporis spatio illum supponeremus in peccato existentem, inde vera resurgeret indignitas in Josepho, quia verum esset quod antequam esset Sponsus Mariæ, a malignanti spiritu possessus fuerat. Clarius luce videtur non esse supponendam in D. Josepho originis maculam, ergo illum declaremus immaculatum ut deceat illud cor Josephi et cor Mariæ.

Nos hæc sublimia, &c.

R Deo gratias.

R Veni, potentissime Joseph, et educ de filiis tuis vinetum de domo carceris, sedentem in tenebris et umbra mortis.\*Veni et illumina nos filios tuos sedentes in tenebris et in umbra mortis. ¶ Veni et salva filios tuos qui de limo terræ formati sunt; veni ad salvandum nos, Domine S. Joseph. Veni et illumina. . . .

### DIA 29 DE FEBRERO.

#### LECTIO I.

—EX PATRIBUS.—

Vocabis, ait Josepho, nomen ejus Jesum; et nomen imponere Majestatis ac dominii est.—*Joan. Dam.*—Sancti Josephi imago est virtutum et sanctimoniarum floribus cumulate locupletis.—*Picinelli.*—Movel unus utrumque nempe, Sanctus Patriarcha Joseph dum precum suarum efficacia Virginem Sponsam permovit, simul etiam iratum Deum ad misericordiarum significandarum motum compulit.—*Picinelli.*

—Certum est Jesum, Mariam et Josephum pios fuisse semper et placabiles: fuisse etiam in perfectissimo et summo gradu humiles.—*Petr. M.*—De vera et incomparabile humilitate Sancti Josephi satis sit dicere: Josephum fuisse justum et consequenter humillimum.—*Petr. M.*—Colligere possumus eximius et incomparabilis amor Christi Domini erga Josephum ejus consanguinem et nutritium cujus fines exepa sanam generatione naturali verus erat filius.—*Petr. M.*—Amore acquisito Christus Dominus diligebat Josephum, à quo per tot annos tam assidua obsequia et ministeria recepit.—*Petr. M.*

Nos hæc sublimia, &c.

R Deo gratias.

R O peccator ne diffidas, sed in cunctis Josephum sequere et ipsum invoca. \*Quem per ipsum Dominus Jesus voluit cunctis subvenire. ¶ Et ab eo tanquam à piissimo Patre humiliter pete. Quem....

### LECTIO II.

*Cor Joseph, cor Mariae.*

Juxta Abbatem Rupertum Joseph et Virgo Maria cœlesti divinoque connubio fuerunt coniuncti quia eorum corda ita fuerunt similes in gratiis et privilegiis, ut efformabant unum cor, unum spiritum ipsumque esse. Ideoque cor Josephi fuit exactissima imago cordis Mariae, praeditum gratiis et privilegiis simillimis purissimo Mariae cordi. Hoc ipsum voluit nobis monstrare ipse castissimus Patriarcha, qui apparens Venerabili Joannae al Angelis illi ostendit purissimum eius cor quod erat veluti signatum sanctissimo Mariae nomine ferens in coraera ardentem flammam purissimi amoris, ut ei diceret; Cor Josephi, cor Mariae. Quum enim figura, quae

signat sit exactissima imago ipsius signi; sic cor Josephi corde Mariae signatum esse debuit perfectissimi Mariae cordis et inflammatum ardentibus iquibus divini amoris; ergo infertur quemadmodum cor Mariae fuit adeo purum quia a conceptione sua immaculatum fuisse constat; similiter cor Josephi immaculatum etiam fuisse videtur. Si ita autem non fuisset maxima existeret inter eos dissimilitudo, tanquam differentia quae existit inter colorem album et nigrum, inter albedinem gratiae et peccati horribilitatem; ergo D. Joseph simili modo quo Virgo Maria ab eius conceptione fuit immaculatum. Adora anima mea, adora, inquam, purissimum Josephi cor, affectuosas admodum gratias age divinae bonitati quod tantis gratiis ditaverit illud adeo ut sit perfectissimam exemplar purissimi cordis divinae eius Sponsae et instanter Dominum exora ut parvulam illorum partem tuo pauperrimo cordi infundat meritis huius gloriosissimi Patriarchae, quod parvo, cum labore assequi non dubites quia magna auctoritate id petimus, scilicet, D. Josephi.

Nos hæc sublimia, &c.

R Deo gratias.

R Ecce venit, Dominus Joseph, tanquam princeps huius mundi; beati omnes filii sui, qui parati sunt occurrere illi. \*Jam venit plenitudo temporis, in quo mittet Jesu Christus Patrem suum virginalem in terras. ¶ Haurietis aquas perfectionis in gaudio de fontibus Patris nostri Josephi. Jam venit plenitudo....

### LECTIO III.

*Cor Joseph, cor Mariae.*

Purissimum Mariae cor ut dignum Dei Matre es.

set, praeditum fuit tali puritate ut maior concipi nequeat; superatque cœlos, angelos, omnesque creaturas, ideoque liberum ab omni macula etiam originali, sicut ab omni defectu actuali vel leviori, manens impeccabilis quadam gratia et privilegio et ornata gratis pene infinitis, propter quod D. Anselmus ait eius infinitam esse sanctitatem. Similiter dicendum est de corde Sanctissimi Josephi propter altissimam eius dignitatem virginalis Jesu Patris, dignissimique Mariae Sponsi. Deus illi dedit cor simile suae purissimae coniugis, Deus illum donavit puritate et innocentia adeo eminente ut longe post se relinquat omnem creaturas, sicut eius dignitas omni alia est excellentior. Quae quum ita sint, bene coniecere possumus nulla umquam labe ipsum fuisse maculatum, semper omnia fecisse optime et modo perfectiori, fuisse cum gratia et privilegio impeccabilem, omniaque eius cogitationes, verba et opera fuisse valde similia suae divinae coniugi Mariae; quumque haec perfectio videatur quod supponit conceptionem absque peccato, pie ideo credimus suo tempore ab Ecclesia erit dedaratum D. Josephum fuisse in sua conceptione immaculatum.

Nos haec sublimia, &c.

R Deo gratias

R Rorati coeli desuper per Josephum; et nubes pluant iustum per Josephum.\*Aperatur terra per Josephum; et germinet Salvatorem per Josephum.  
 ¶ Ut cognoscamus, Domine Joseph, in terra viam tuam, quia gratia et veritas per Jesum Christum facta est. Aperiatur terra....

## MES DE MARZO.

—DIA 1º—

LECTIO I.

—EX PATRIBUS.—

Joseph non cognoscebat eam donec peperit Filium suum primogenitum; quia quamdiu Virgo beata habuit in suo utero solem justitiæ, tantus fulgor exhibebat de ejus facie, quod Joseph eam cognoscere et discernere non valebat, nec in ejus faciem intendere non poterat donec ejus uterus fuit evacuatus. —*Orig.*—Porro non alius Josepho visus est magis idoneus ad sponsaliorum conjunctionem contrahendam, quippe qui propinquitate generis, ejusdem tribus, et honestate morum, jam pridem bonæ fidei existimationem consequutus esset. —*Niceph.*—Deliberantibus sacerdotibus super matrimonium Mariæ, divinitus incidit consilium ut darent eam cuidam viro: igitur inventus est Joseph talis, qualem ratio consilii requirebat—*Joan. Dam.*—Proditus est itaque Joseph, cum enim virgam suam attulisset, et cacumine ejus columba de cœlo conveniens, concedisset, liquido omnibus patuit, ei Virginem desponsatam fore. —*Hier.*—Joseph Sponsus conscientia Mariæ. —*Pet. Crisol.*—Ex evangelica historia apertissime colligatur matrimonium inter beatam Virginem et Josephum extitisse. —*Greg. M.*

Nos hæc sublimia mysteria mirantes et ut finem huic divinæ lectioni apponamus, ex toto corde et ex tota anima nostra dicere volumus: Jesu, Maria et Joseph cor et animam meam trado vobis; esto me-